

Amal Bundle agihkan 20 tan pakaian, barangan keperluan kepada Orang Asli

BANTU. Kira-kira 20 tan pakaian dan lain-lain keperluan berjaya dikumpul pada program amal jariah Amal Bundle bagi membantu masyarakat Orang Asli di pedalaman Gerik, Perak dan Gua Musang Kelantan, baru-baru ini.

Selain pakaian, sumbangan juga melibatkan kasut, tudung, telekung, kopiah, beg tangan, beg sekolah, sejadah, pakaian sekolah, al-Quran dan permainan kanak-kanak.

Menurut Senator Dewan Negara bagi masyarakat Orang Asli, Datuk Isa Ab.Hamid, sebanyak 12 buah Badan Bukan Kerajaan berganding bahu mengumpul barangan tersebut di dua lokasi terpilih.

“Kali ini, barangan yang dihantar adalah untuk kegunaan harian masyarakat Orang Asli yang amat diperlukan memandangkan mereka tidak dapat keluar disebabkan faktor perhubungan ditambah dengan isu Covid-19,” katanya.



ISA (lapan dari kiri) bergambar bersama para penyumbang program Amal Bundle bagi membantu masyarakat Orang Asli di Perak dan Kelantan di Dewan Serbaguna MDP di Benut di Pontian baru-baru ini.